

市交易現錢往還各節准候札行德州平原恩縣一體遵照至該號係招商集股試辦與濟甯周村維縣三處官銀分號有間所請刊給號記於定章不符與胡錫康等咨司一節均無庸議仰即遵照仍候農工商務局批示此繳

澈查沿城官地○西關吊橋沿城迤北官地前奉撫帥批准發款建造房屋招商租賃該處原有之房屋棚厦現經一律給價諭令拆讓昨有監生李祖培具稟商務局有祖產十餘畝在西門外迤北且有紅契衛糧為憑云云恐不免有飛灑影射之弊聞已檄飭歷城縣澈查稟覆矣

招考醫官○駐東陸軍第五鎮營內向設醫官每月薪水二十四兩刻聞張統制以醫藥關係兵命未可以庸醫濫等其間昨經認真甄別評定甲乙革除四名並出示招考以補其缺如有素諳醫理體健耐勞向無嗜好者可於本月二十四日赴本鎮報名二十六日十點鐘在鎮署考試云

實力巡拿○兩鄉中官柳埠等處比來時有行劫之事現經巡防第四營拿獲周方連等三名其賊據搜有衣物計九十餘件並有各種利刀快槍等物足見巡防營之實力辦案矣

衍聖公太夫人東旋○衍聖公之太夫人前因清理口外荒地曾於夏間晉京早誌前報近已於初八日下午由京乘包車抵津至新車站下車換乘肩輿赴鐵橋換坐官舫以便回山東原籍

稟揭私改廟產○提學使批膠州稟揭州人張瑞雲等并請示辦法稟云據稟該州人張瑞雲等稟辦學堂並未稟報到州遽將該社內公產之廟私行改易又楊綱妄出諭單等情實屬無知妄作應候本護司派員查明核辦至稟內所稱擬將該廟產地畝變價歸入該州中學堂經費一節查現奉部章各省州縣一律設立勸學所意在多立鄉學風氣可以大開此項章程正在刷印分布東省民風尚陋將來因學爭產因產涉訟之事誠恐日見其多全賴地方官隨時維持保全公益以一鄉之產立一鄉之學但能擇人而任亦未始不可相與有成此案張瑞雲買錫生既各有私心斷不能令其再行干預倘能於本社內另選公正解事之人由該州督飭妥籌認真舉辦既足以裨益是鄉亦使此等浮妄之徒無從藉口特此項廟產究竟歲入若干是否足敷設學之用該社中是否尚有可以辦事之人本護司無從查知仍希查明詳籌變通辦理並將擬辦情形錄報備案

提學使到東消息○升任閩藩連提學使赴東考察於上月二十九日抵滬

早誌前報旋於本月初三日自滬附日本郵船業於日前到東京

十八日 藩憲牌示署河澤縣知縣湯宗幹調赴下游河工當差所遺河澤員缺委候補州汪鴻孫署理

告白 啟者本堂建設在東鄉七里堡距城遙遠特於農工商務局附設冊簿各衙署局所如有公文信件請送交彼處接收轉送恐未週知特此佈告 農林學堂謹啟

催解報價郵費廣告 敬啟者本局於本年二月間明定章程凡各屬派分兩次運解本局過時不解專差守提差川亦歸該州縣給發會經詳明撫憲批准立案並分行咨札通飭在案現屆五月本局墊借經費急待款歸結此項報價郵費各屬已有陸續報解之處其有尚未起解者希即 查照刊列報首價目迅將本年應解春夏二季報價郵費依限核算清楚具文批解倘過時不解有需守提致各屬又多差川之費本局實有不安特此佈告乞即 諒照為荷 山東官報局謹白

新開文美齋東記南紙局 本齋備辦各色南紙箋筒帖套各種硃赤金欄金貢箋對料喜壽團屏龍綾奏摺泥金顏料東洋八寶印泥揭發名入字畫綾錦縐紗加細耿細蘇杭雅扇日規羅盤一概俱全小號在天津開創六十餘年甚蒙 官紳稱許今在濟南開設分號暫寓后宰門路北門面 賜顧者請移玉是幸 本齋主人謹啟

德華銀行告白 敬啟者本行在德國開設多年積聚資本七百五十萬兩向辦各項匯兌事宜多蒙士商深信今在中國香港上海漢口天津北京青島濟南等埠均有分行并外洋各國亦可通匯本行一切應辦事宜章程列右 一各埠匯票均照隨時市核算電匯票匯均可 一逐日往來滿月結算長年二釐起息祇存不欠 一存三月長年三釐 一存六月長年四釐起息 一存一年長年五釐起息 一存至二年或三年息可面議 以上均須滿期取利餘有應辦之事均須隨時酌議格外公平以廣招徠 賜顧者請至本帳房面議可也 本行上午自九句鐘起至十二句鐘止下午自兩句鐘至四句鐘止每逢禮拜六下午及禮拜日俱不辦事過時不候 濟南分行現住將軍廟街路南 本行主人謹啟